

中華民國二十三年十一月

夏津縣志

許宗海題跋

東岱

夏津縣志

夏津縣志續編序

守土之職親民之職也守斯土蒞斯民而政事卽經緯其間焉使無書以志之將問土地不知問人民不知政事奚從而出乎甚矣志書者考古證今之鑑而從政者不容或缺者也前任膠時志稿適脫爲總其成而刊之矣壬申二月承乏夏津甫下車首取志乘閱之書爲前令方君松台所手訂爲目凡十蓋取班氏十志之義曰疆域曰建置幅員明而封守辨矣曰食貨曰人物戶口定而階級分矣職官者治此者也選舉者輔治者也若學校若典禮若藝文與雜志皆黼黻休明發爲治術而考鏡其得失者也以淵博之學問爲一邑之典章洵後人所宜法守矣惟書成於清乾隆六年距今百九十餘歲其間方輿之隸屬人事之變遷政治之興替散

夏津縣志續編

卷首

序

一

佚無考者固多宜革宜增者亦復不少自道光迄今官紳屢議重修終未成書余倡此議欲事編纂奈萑苻徧地急籌治安軍馬控總羽書旁午每計及此而未暇也茲者天庥滋至地方肅清百穀順成人民樂業可以從事編纂矣而揆時度勢蓋有二難以二百年散亂凋零之故實一旦發潛闡幽蒐釐條貫以成一邑巨觀此鉤稽之難也况風鶴頻驚之餘嗷鴻聲息之始今雖物阜民康而凋敝餘生瘡痍未復羅掘已窮籌備無術此經濟之難也如所謂設局分股動輒萬金徒嘆望洋耳幸得諸君簡修之議採訪則委區域編輯則聘邑紳義務所關各盡天職自客歲八月開纂甫歲餘而稿已成舉二百年廢墮之事蹟乃能條分縷析綱舉目張又以潮流所趨勢所必遵以舊日爲綱以新政爲的務期略於古而

宜於今以臻完璧非諸君苦心孤詣能如是尅期蒞事乎既竣咸稱余功因不禁慙然有感矣忝縮夏篆于今三年回首三年中賴上鋒力詰姦除醜與吾民共享承平其他興學化俗能與古人媲美乎家給人足能使吾民遂生乎力所不能爲勢所不及爲者纍纍也幸賴諸君和衷共濟襄成盛舉俾二百年文獻不致湮沒用副上憲勤求之意余心藉以稍慰耳茲將付印爲序其緣起於簡端民國二十三年十一月夏津縣長德縣謝錫文撰

夏津縣志續編序

邑何志紀實也意以達言以雅乃實而文矣往昔一人一物一言一事無無有有自有真相有而無之無而有之非缺則濫惡乎實卽實矣語焉而不能達達焉而不能雅則又類穉兒之學語村夫之呶辨見者將笑而置之矣此古人所以有修辭立誠言文行遠之說與吾邑志乘失修將二百載書缺有間矣斷簡零編蒐集匪易而故老傳聞又恐荒渺難稽將欲信之惡知不有所疑耶將欲疑之惡知不有所信耶茲以數百年可信可疑之事歸而求之於一鄉一家一人之中又復衆多數聞見不同意趣不一之人僅據旦夕訪聞閉於一門而嚮壁分造其未合者蓋多矣吁哉修志之難也况值今民邦肇造國體劇更爲吾國數千年未有之創局又

夏津縣志續編

卷首

序

三

非尋常變易可比宜於古者不必宜於今宜於後者不必宜於前欲趨時耶一啓口而新辭駢至一握管而纖語互集名實乖錯前人其肯恕我乎將守古耶則又臭腐連編迷妄雜陳是猶持古代冠履強加諸時裝者頭足之上豈止騰笑於今人抑且貽後世以話柄矣吁哉修志之果難也客秋修志會成立縣長謝公汲汲焉提倡於上而邑中諸先進又復殫精瘁力費年餘之光陰始行脫稿竊謂已得其實矣已達且雅矣不才如瀛寧敢妄參末議惟蒙縣長不棄諄諄以校事相囑違命則不恭念分內事推委焉又不忍爰於假歸餘暇取各稿本一一閱讀敢卽闕者補之繁者刪之辭意有未貫者則酌易之事例有不合者則慎移之倘能實者更實達而雅者愈臻於完善是乃余之私願而亦先進諸公所幸功

成一篲者也雖然其亦奚敢自信哉書成謹贅數語以誌顛末願  
質之邦人君子並以待証於將來

民國二十三年十一月邑人范步瀛謹識

夏津縣志續編

卷首

序

四

# 夏津縣志續編序

民國癸酉縣長謝公任夏之次年因匪難底定

年來匪患頻仍一切政務妨碍准行謝縣長費年餘

力始獲勦平之

亟亟以提倡文化爲首務縣志一書乃一縣文獻之所寄也

遂於縣務會議中提出修志案得獲通過按夏志自清乾隆初邑宰方公以舊志簡缺不完重修一次計今百九十二年雖邑人屢議續修部省各方函電索取亦數數飭修非阻於籌款無著卽阻於不能取得一黨一派之同意致議而不能決決而不能行殆數十年於茲矣今幸我謝縣長力排衆難出以熱心持以果力不取用地方公款分毫妥籌及獎輸得洋千數百元於八月初成立續修縣志委員會並延邑同人許君岱東主編纂事銜以倦游家居亦獲濫竽充數竊維如銜枵腹尤東西奔走筆墨久荒而欲於上

## 夏津縣志續編

### 卷首

序

### 五

下百數十年間網羅舊聞跂踵前美豈非憂乎其難兼之潮流所趨國人文白之爭方興未艾勢須變更體例採取語文方不失卻時代性新舊紛呶無所適從則尤難乎其難乃躊躇再四詳慎商討終以志者史之流亞也歷代志乘前師具在而此次編訂例目又半沿襲前志故取名續修若必斤斤於時代嬗變力爭新奇恐後之人或執司馬公所謂文不雅馴晉紳先生難言之相予責難矣將何辭以解因不避頭腦陳舊之嫌隨筆撰次只取記載一時代事事物物治亂興衰及今昔遞嬗之迹爲吾邑留一印相藉使吾鄉賢達名媛烈婦不隨荒烟蔓草同歸湮滅以仰副我謝縣長主持修志初旨此則黽勉從事之微衷也其能否饜時人之望不復計及云再據恩志凡例修志一事應以三十年爲限續修一次

庶不至採錄困難貽誤掛漏誠哉斯言茲後數十年安得再有如  
我謝縣長其人者出俾吾夏志書得以接次續修免蹈今日覆轍  
則且跂予望之矣是爲序

民國二十三年十一月邑人劉其鎔謹識

夏津縣志續編

卷首

序

六

夏津縣志續編序

縣之有志猶國之有史也規模之廣狹雖殊而體例之謹嚴則一昔孔子因魯史以作春秋筆削去取寓褒貶於一字垂法戒於百王魯之有信史實自孔子始矣後世不察輒詆爲斷爛朝報而春秋不列於講筵噫何其誣聖之甚也夫縣者國家之一份子就一國言則必以縣爲單位縣雖小必有禮樂焉必有兵農焉必有教化刑政焉歷年既遠如欲循流以溯源不至數典而忘祖則徵文考獻足爲一縣之掌故者端爲志書是賴矣志之有益於一縣所係豈淺鮮哉吾縣志書自松台方公成於乾隆六年以後屢議修舉而未果迄今垂二百年矣其間風俗之變遷政教之得失治亂之循環人事之淳澆以及利弊之沿襲與改革夏雖僻壤亦必隨

夏津縣志續編

卷首

序

七

世界之潮流月異而歲不同况自歐風東漸百度維新其變化之速真有一日千里之勢故吾縣之志修之當不容緩矣癸酉歲爲縣長謝公蒞任之二年是時盜賊衰息年歲豐穰行者無道路之虞居者有安集之慶謝公曰邑志之修此其時矣恐獨力之難成也爰開會以議決慮無米之難炊也乃演劇以籌款縣長之苦心孤詣其預籌於事先者至矣盡矣蔑以加矣雖然修志在今日其困難之點蓋有三焉當斯絕續之交事屬兩朝年隔二百清國民國體統不同官制兵制名稱各異况當老成凋謝訪問無從而欲以少數人之見聞蒐集薈萃之而各當其實誠非易易矣一難也雖然人往風微所恃信而有徵者檔案之保存也然自民國己巳庚午間縣城兩次失陷兵燹之後卷宗半付焚如其片詞隻字多

撥拾於灰燼之中較諸夏五郭公其殘缺尤甚焉二難也又其甚者斷碑殘碣雖埋沒於荒煙蔓草之中苟能拂拭辨識則某令某紳之附載其上者尙可收爲編纂之資料無如碑多沒字石無不泐或補於壁或砌爲階直付之莫可如何矣三難也有此三難同仁等雖敝精耗神竭蹶搜羅終難免不純不備之憾然旣任其事不得不免爲其難尤幸縣長指導於上採訪諸君協助於下閱一寒暑始補綴而成稿知我罪我編輯諸同仁不得不分受其責矣是爲序

民國二十三年十一月邑人劉文霖謹識

夏津縣志續編序

昔程子以修志爲居官第一義誠以志者舉一邑之政治風化與替污隆薈萃成編藉覘人羣之進化用以考得失而資勸懲非徒存故實而已也文明賢宰關心民社期以建事業樹風聲載在簡策垂爲後世法非然者視官府如傳舍簿書錢穀而外不遑計此且有惡其害己而置不留目者然則志之修也亦視人事爲轉移矣夏志失修將二百年此二百年中寧無碩學通儒繫念桑梓欲爲續修之舉者惟上不爲領導斯下無從措手耳據徐氏墓碑道光戊戌曾有修志之議而未果行延至光緒戊申學部徵集教科資料令各縣纂修鄉土志張公公衡奉令聘馮君惠臣總其成復延王君銘箴劉君雨卿張君雨東等分門編輯海亦得參末議稿

夏津縣志續編

卷首

序

九

成未梓張公升任去而此稿竟歸烏有民國初年銘箴與雷君題卿擔負纂續因事竟寢設當日長令力主斯議有所參考以裒輯成帙事猶易易乃一蹶不振後雖官紳屢經提議訖未實行旋以時局變亂檔案不完當局者遂視修志爲畏途而遜謝不遑矣甚矣人事之難齊也謝公彩章有見於斯甫蒞任毅然以續修爲急務祇以地方不靖削平需時籌畫經年於癸酉八月始成修志委員會海彙蒙公舉與杜君慎菴劉君陶卿同任纂輯而分纂則管君序元劉君雨卿谷君鏡庭張君超凡稿未半管君遽捐館余六人踟躕蒐羅年餘始脫稿又聘范君蓬舟總校成書以俟付梓因念吾邑地處偏僻無深山大澤以壯觀瞻無顯官名儒以光史冊迄於今時殊事易又開曠古未有之新局以視他志之取材宏富

蔚爲鉅編不禁廢然返然而人民雖非城郭猶是吏治之優絀物  
產之消長教育之變革民風之醇漓以及新政之繁興實有不容  
泯泯者同人等相與拾遺補漏滙爲一編以成我謝公諄諄續修  
之志後有作者取而釐正之則此編其即嚆矢乎至與舊編並存  
實不敢弁髦往哲亦不敢膠柱成蹟第借此保存以爲考古証今  
之鑑云爾是爲序

民國二十三年十一月邑人許宗海謹識

夏津縣志續編

卷首

序

十

夏津縣志續編序

舊志成於乾隆辛酉迄今百九十二年道光戊戌議重修未果嗣屢提議徒托空言迨謝公蒞任始實行下車之初荏苒遍地與王秘書運籌首痛勦繼以不時搜索凡列告密冊者無倖免數月而匪燄頓熄甫告肅清卽倡修志於客歲八月組織委員會一錢不名毅然爲之其堅決有如此者旋假演劇名籌洋千餘元作維持費採訪編輯凡十七閱月付剗剗焉竊以志猶史也修志與作史同非擅三長詎可一試且昔也閉關自守今則萬國交通必具世界眼光富現代思想者始能勝任愉快不才如敬學識謏陋亦追隨諸先進後濫竽會末充數而已矧檔案散佚故老凋零欲問遺事無能言者蓋邑乘失修久矣加之種種碑碣損失殆盡而光緒

夏津縣志續編

卷首

序

十一

戊申修鄉土志之稿本亦無覓處徵文考獻倍感困難守缺抱殘自知不免惟有竭盡綿薄廣事蒐羅以求心之所安已耳書成爰略述其顛末

民國二十三年十一月邑人杜汝敬謹識

夏津續修縣志姓氏 民國二十三年

督修

謝錫文 夏津縣長德縣人

監修

王東昇 縣政府秘書兼聯莊總會副會長河北寧晉人

吳 瑗 縣政府第一科科長臨沂人

胡禧濟 縣政府第二科科長濟南人

委員

康晉九 黨務整理委員齊河人

潘維禧 縣政府第三科科長邑人

張盡善 縣政府第四科科長荷澤人

夏津縣志續編

卷首

修志姓氏

一

劉麟紱 縣政府第五科科長陽信人

趙雲瑞 公安局長臨邑人

楊修武 民團大隊副河北鹽山人

李福堂 商會會長邑人

總纂

許宗海 兼委員清光緒庚子科歲貢前勸學員長邑人

分纂

劉其鎔 清光緒乙巳科歲貢留日醫學畢業分省補用縣丞邑人

杜汝敬 清獎增生前平政院書記官邑人兼委員

管淑涵 清增生省自治研究所畢業邑人

劉文霖 清宣統己酉恩貢省自治研究所畢業邑人

谷蓉春 清廩貢生邑人

張鍾驥 清附生邑人

總校

范步瀛 清廩生師範科舉人省立十一中學校長邑人

校繕

劉文霖

杜汝敬

張鍾驥

採訪主任

龐幹臣 一區區長邑人

冉慶雲 二區區長邑人

夏津縣志續編

卷首

修志姓氏

二

房煥文 三區區長邑人

王希傑 四區區長邑人

范忠揚 五區區長邑人

畢于疆 六區區長邑人

王芳棟 七區區長邑人

劉克良 八區區長邑人

李承記 九區區長邑人

黃忠笈 十區區長邑人

繼任區長

程紹庭 恩縣人

王松齡 臨清人

孫永豐 德縣人

李名泉 齊河人

郭熙昌 高唐人

劉鳳翔 濟陽人

方輯忱 茌平人

溫蓮舟 清平人

李賜田 齊河人

王英麟 恩縣人

**探訪員**

王劍閣 清附生師範科貢生邑人

韓光增 清獎附生前濟南商埠第四公安局長邑人

夏津縣志續編

卷首

修志姓氏

三

張元霖 清廩生邑人

曹文道 清附生邑人

賀啟俊 清附生邑人

潘維福 縣立高小畢業邑人

王曰龍 清附生邑人

滕藍田 清附生孝廉方正邑人

鹿學政 民選候補區長邑人

李步洲 海右師範畢業前勸學所長邑人

潘文奎 清附生邑人

王蔭錢 縣師範畢業邑人

范步青 清廩生邑人

范步峯 縣師範畢業前職業學校教員邑人

程賓之 清歲貢邑人

張自田 清附生邑人

王葆昌 清附生邑人

張書範 清德衛附生邑人

黃忠勵 清附生邑人

郭駿聲 前敏捷里副邑人

王延慶 師範講習所畢業邑人

任耀田 城關鎮長邑人

潘躍龍 清附生邑人

姚協中 清附生前軍級分所長兼教員

夏津縣志續編

卷首

修志姓氏

四

許逢源 清附生前縣議會會長邑人

王福昌 清附生邑人

李啟鑑 前師範講習所所長邑人

李積有 前第十里里長邑人

靳緒昌 高小畢業邑人

張荆山

姜寶珍 中國紅十字會正會員邑人

徐萬福 山東公立法政學校畢業邑人

張慶明 師範講習所畢業邑人

繪圖

王憲章 參謀部陸軍測量局畢業邑人

周九卿 參謀部陸軍測量局畢業邑人

李聯莫 國立北洋大學土木工程畢業河北豐潤人

監印

范步瀛

杜汝敬

夏津縣志續編

卷首

修志姓氏

五